

## He tino rerekē te aromatawai i te ‘assessment’

<p><b>Angie Withers</b> (Te Kura o Matapihi)</p>	<p>Mā tōku nei ngākau ka mōhio au ka taea e rātou. Ehara te aromatawai i te mea nui ake ki ahau nei... ko te mea nui ka mōhio te tamaiti tētahi, ētahi kōrero o te kaupapa.</p> <p>[Kei te kōrerorero te kaiako me te tamaiti]</p> <p>Kei te pakitara rā tētahi tauira, mōhio ana aku tamariki i te wā ka hoki atu he kōrero ki a rātou, ka haere te tamaiti ... kei reira ... pēhea i aku mahi i te meka matua? <i>Oh</i>, ka piki ake. Ētahi atu, <i>oh</i>, ka heke. Engari ki a rātou, he pai tērā tauira mō rātou ... ka mōhio, <i>oh</i>, pīrangi au ki te piki, a, ki te piki ake i te maunga o Mauao.</p>
<p><b>Sharlene Teirney</b> (Te Kura Kaupapa Māori o Te Whānau Tahī)</p>	<p>Me pēhea au e mōhio? Nā te mea kei konei au ia rā hei tiaki i a rātou ka mōhio au, ā, ka kite au i te rerekētanga, ā rātou puāwaitanga i ngā wā katoa, ka mōhio au kei konei tēnei tamaiti – ka pai, ko tōna huarahi ka piki ki tēnei wāhi. Ko tērā te take ka mōhio au he rerekē aku tamariki katoa, pērā ki te tamaiti i tuhi pikitia anake, ka mōhio au, ā, ka mōhio i tēnei kupu. Ka tuhi au te tīmatanga, tērā pea ka tuhi ia i tērā kupu i mōhio ia kei waenganui.</p> <p>[Kei te kōrerorero te kaiako me te tamaiti]</p> <p>Ka mōhio ākuanei ka tuhi tērā tamaiti i tōna ake kōrero. Pērā ki ētahi o ngā tamariki, ka haere au ki ā rātou taha kotahi te wā pea. He kaha rawa rātou ki te tuhi. Ka mōhio au he kaha rawa ki te pānui, ki te tuhi, ki te hanga anō ā rātou ake kupu ahakoa he reo Māori, he reo Pākehā, nā te mea ka mōhio rātou ngā kūoro me ngā pū.</p> <p>Ka pātai atu ki a rātou, he aha tēnei kupu? Ka puta ā rātou whakaaro. Tētahi atu, ka pātai atu, Kei hea tēnei kupu? Ka āhei rātou te tohu kei hea tērā kupu.</p> <p>Ētahi wā ka pātai atu ki a rātou, me pēhea koe e tuhi tērā kupu? Ka huna au i ngā kupu ka tuhi rātou.</p> <p>He maha ngā āhuahanga e mōhio au ka piki ake ngā tamariki, ko tēnei tētahi tohu. Ā, i te wā ka mōhio rātou i tētahi o ngā kupu ka hoatu au te piritau ki a rātou. Hei whakamana i a rātou, hei whakapiki i a rātou.</p> <p>[Kei te kōrerorero te kaiako me te tamaiti]</p> <p>He pai ki a rātou kia whakaatu ki ētahi hoki ki te tatau, ā, he mea nui ki a rātou ngā piritau. Ahakoa he iti, he pounamu ki a rātou!</p>